

Թէ չհամարձակի՞ն խօսիլ զառաւելն : Դատաւորն ասէ . լռեա՛ անզգամ անպատկառ , ո՛վ ես դու որ համարձակիս բանալ բերան առաջի իմ : Թէպէտեւ նուրի կամէր զնա առաւել անպատուել , բայց պատկառէր 'ի ժողովոյն , եւ զի մի արատաւորեացի ինքն , վասն որոյ ասէ , զվայելուչն լեզուի քո ասացեր , մնայ արդ միմիայն ձեռամբ հարկանել . ուրեմն հա՛ր , զի կատարեցի : Ոստիկանն ասէ . ըզբաղում Դատաւորս տեսեալ է մեր , բայց ոչ որպէս զքեզ . և նորա բարկացեալ գոչեաց իրբեւ զառիւծ 'ի վերայ նորա , Չէլէպի , չհաւանեցա՞ր . ինձ նման սյր իմաստուն 'ի հարկաւոր ամն հազիւ տեսանի , և 'ի վերայ երկրի չէ ոք հաւասար ինձ . և իբրեւ այսպէս զայրացեալ կագէին ընդ միմեանս , Քաղաքապետն կամեցեալ հանդարտել զնոսս . ասէ . մեք դատաւորք եւ պաշտօնեայք Տէրութեան , չէ օրէն կռուիլ յամօթ և 'ի նախատինս մեր սակա քրիստոնէից . այլ տեսցուք թէ երկոքին ազգքն զինչ ասեն : Դատաւորն ասէ , զինչ ունին ասել . զի 'ի Պատրիարքէն Յունաց զիր ինչ չէ եկեալ վասն դատին և զորպիսու թենէ նորին , ուստի ոչ կամին տալ և առնել ինչ . Գործակալք ասեն , Դատաւորդ չյարգեալ զգիր Արքայի , զայդ ասես՝ եւ լինիս ուսուցիչ . 'ի հարկ է զօրացեալ դոցա 'ի բանից քոց , հակառակին և ոչ կամին : Դատաւորն , տուք , եթէ տալոց էք ինչ : Յոյնք զբան Դատաւորին կրկնէին : Ոստիկանն ասէ , զանհնազանդան հրամանի Արքային ունիմ իշխանութիւն կապանօք տանել 'ի Դամասկոս : Յոյնք ասեն , չունիմք պէտս կապանաց , ինքնին երթամք տալ սլատասխանի Կուսակալին : Ոստիկանն , չերկնչի՞ք 'ի Թագաւորէն . Յոյնք , այո՛ երկնչիմք . այլ առաւել յազգէ մերմէ . զի ոչ կարէ ազատել զմեզ 'ի յանդիմանութենէ նոցին . Ոստիկանն , ուրեմն ազգն ձեր մեծ է քան զթագաւորն , և ցդատաւորն ասէր . դու եդեր լեզու 'ի բերանս այդոցիկ վատ կեավուրաց . ապա թէ ոչ զիա՞րդ համարձակէին դոքա զայդպիսիս բարբառել . Փոխանորդն Յունաց ասէ , նիստ ծանր 'ի տեղի քում , զի չէ արժան խօսիլ 'ի ժողովի աստ զբառդ վատ : Ոստիկանն , ո՞վ արդեօք իցէք դուք զի յանդգնիք տալ զայդպիսի սլատասխանի . Փոխանորդն յարեաւ 'ի գնալ , և Քաղաքապետն իբր յանդիմանութիւն